

Auspicio,
SACROSANCTÆ

TRIADIS:

AUCTORITATE

AMPLISS. COLLEG.

MEDICI:

SUBSIDIO,

CLARISSI-
MI VIRI; INCLYTÆ

TVBINGENSIS ACADEMIÆ PROFESSORIS

Philosophi ac Medici: D. D. ANDREAE PLANERI, Athesini;

Facult. Med. spectatiss. hoc tempore, Decani; Præcepto-

ris, Hospitisq³ sui obseruandiss.

subscripta,

DE MORBO SATVRNINO,

SEV MELANCHOLIA

EFFATA MEDICA, CVM AD.

SCRIPTIS CONCLVSIS, DISQVIREN.

DA PROPONIT

IOHAN. FABRI,
TVBING.

X. APRIL. DEO ASPIRANTE, HORIS
antemeridianis, in Aula noua.

TVBINGÆ

Apud Georgium Gruppenbachium,

ANNO 1593.

Traditiss. D. M. Iohan. Henric. Schæffer. D.
S.S. Theolog. alumno impigro; Dno & Amico

Digitized by the Internet Archive
in 2019 with funding from
Wellcome Library

<https://archive.org/details/b3076161x>

CHRISTIANA- NISS. DEI NVTV, ILLV.

STRISIMOQVE PRINCIPI, AC DOMINO:

Domino LVDOVICO, Duci VVirtembergiaco, & Theccio;

*Comiti Mompelgardico, &c. Domino suo
clementissimo.*

Vitam, DEVM, Monumenta, Inducias, Aeternitatem,

P. Cliens subditissimus,

I O H A N N E S F A B R I.

Hominem, animal diuinum & politicum, sereniss. & benignissime Princeps,
Mundi, cunctorumq; huius circumflexu tectorum, non tam miraculum,
quàm compendium esse, adeoq; *μικροκοσμον* referre; in Natura sagaciss.
innuit Aristoteles.

Et quidem satis aptè. Magnus enim Mundus, cœli terræque est ordo & com-
positio congruens: à Deo, & propter Deum facta. Minor mundus, à homonia di-
ctus, Animæ, corporis, singularumq; huius partium conueniens temperatura est
& constructio; eodem satore fineq; extructus. Illum, nulla materia sensili præsentè,
à summo rerum Opifice fabrefactum, antiquiss. theatri vitæ humanæ Scriptor pro-
didit. Simili potentiâ, Entium omnium quasi finis, Homo, à principio illo, & fine
effictus viuit. Ille temporis præfiniti decursu, in cineres ruct: hic eâdem fatali lege
tenetur.

Ille Cœlum habet, quo sublunaria quæuis viuunt & reguntur. Hic Caput pro
Cœlo gestat; & inferiora moderans; & Orbib. Intelligentijs, Planetis, Stellis: Sensi-
bus internis, externis, Rationeq; coruscans. Illud lumina duo, Solem, & Lunam,
effectu splendidissima, Noctemq; & Diem discriminantia, sibi infixæ mouet: Hoc
Intellectum Agentem, & Patientem, Sapientiæ cribra Solesque lucidiss. Falsum
à Vero dissoluentes, insita voluit.

Quaterno Elementorum censu & consensu Megacosmus construitur. Sic &
Microcosmus. Primas illic igneū, viuicaciss. tenet. Heic, Cor: oīa calfaciens, viuifi-
cans & conseruans. Aeris analogiam, Spiritus, inspiratione & expiratione tractus,
sustinet. Aquę naturam, sanguinea Hominis massa exprimit. Vt enim illa, omnige-
na terrâ nascentia rigat fouetq;: sic hæc totum corpus vegetat nutritq;. Terra, Ven-
triculi, Intestinorum, cæterarumq; spermaticarum ac solidarum partium formâ &
naturâ describitur. In Stomachū pascendarum generandarumq; rerū semina quasi
(vt ibi terræ, pro frumentatione viuentium, committuntur) traiciuntur: materia
alimonix corporis, seminis, nouiq; hominis futura. Atq;, vti terræ sterilitate, an-
nonæ caritas, ad mortem vsq;, crescit: ita Ventriculo præcipuè, infirmitate quadam
infœcundo: fames in tota maioris Mundi effigie sentitur: corpus tabescit, vel peni-
tus occidit. Ideo Ventriculo, corporis horreo atq; molendinē, omnis nutritionis
ortum & principatum deferre, non ineptientis esse arbitror. Ecclipsatur sæpè Sol:
sæpius Luna. Etiam hominis lumina, multoties, errorum interpositu, & crassissimè
deficiunt. Planetæ, & Stellæ corporis, planę sæpiusculè, & ob Spirituum animalium
nubes, tenebricosæ visuntur. Ignita verò, & alia multiplicia, in corporis regionibus

aeris, Meteôra fulgent. Cerebri inflammationes, Phrenitides, Deliria, Maniæ, Vertigines, Suffusiones, Cataractæ, Vngues, Albugines, &c. verè fulmina, typhonas, virgas, presteras, irides, halonas, Mundi magni, sapientes. Variè venti huius aërem torquent. Tusses ventosæ, aliq; Microcosmi flatus, quàm variè corpusculum diuerxant? Certè, Solis, Caniculæ accessu, intenditur feruor. Sic Sirio isto febrili æstuo-
fiss. solarib. Cordis radijs propinquiore; paruus Mundus, vel aduritur, vel confla-
grat funditus. Quid? Pluuiarum casus in Mundo, quàm creber est atq; diuersus? Non aliter in Homine. Terrestrium etenim ipsius portionum plurima sæpius hu-
miditas, in altum, calore soluta, suspirat, concrescit, motaq; rursum deuoluitur: rō-
res, pruinas, niues, nebulas, pluuias, grandines, tonitrua, ἐξυδρίαις aquarumque
properantem è Cœlo ruinam inuehendo: hoc est, Sudores, Stuporē, Hydrôpas, Ex-
hulcerationes, Erysipelata, Attonitum morbum, Epilepsiam, Catarrhos mites, for-
tes, suffocantes, Coryzas, Diarrhæas, &c. Sed & terræ motiones in minore Mundo
sunt frequentes: spiritu crudo ac flatulento, aut totam hominis terram, aut partem
duntaxat sustollente & vibratim conquassante: sæpius cum edificiij humani structu-
ræ dispendio. An non & Cometæ in Homine? Sunt sanè. morbi omnes diuiniore,
occultioresq; Phycis supinis vocati. Non dicam, aqueam Microcosmi substanti-
am, adiacentium aliquando partium æstu, vel crassiusculè absumi, vel frigore, ceu
glacies, stringi; vt limus & fax sola residua putetur. Huius materiæ, dissolutæ de-
nuò, fumus, ad globum cœlestem sublatu, omniuagas in animali aëre producit
turbines. Earum vna est, Melancholia denominata: Autumnum declinantem in
accidentibus repræsentans. Prout enim tum, frigida siccaq; tempestate ambigua
tristiaq; Naturæ germina reconduntur: sine aëstrorum serenitate, sylvarum, prato-
rum, hortorum, arborumq; virentiâ & festiuitate; silentib. auibus; lugentibus terræ
animalibus quibusuis. Similiter hîc, viduæ vigore suo actiones corporis sunt quæ-
libet: Anima moeret: Mens terretur; & vbiq; plurima Mortis imago sollicitat.

Huius ego affectionis Melancholicæ, Princeps clementiss. ingenium & curam
inquirere, lætificumq; ac præsentaneum Veris tempus opponere volui.

Lubet verò hoc, quidquid est, C. T. dicare. Idq; cū virtutis, tum officij no-
mine. Etenim, cū Reges Medicinæ duntaxat parère, Plinius veriss. notârit: & Pla-
to in Alcibiade, omnem mortalium turbam curatione indigere doctè enunciârît:
ideò, tantum purioris Iatrologiæ alumnos fidos, ἰσολογιστὰς ab Hippoc. sapientiss.
appellatos, C. T. obseruat & amat; quantum quisquam alius. Quid porrò C. T. mi-
hi commodârît; tacere, quàm mutilatè, aut odiosè recensere, satius autumno. Hoc
enixè peto: paginas præsentis Medicas, benignè & clementer C. T. suscipiat: sicque
agnoscat; ac qui amplissima dare voluit. Dein, Musarū mearum Hyperaspistes Asy-
lumq; benignum esse C. T. pergat. Omnipotens & Propitius Deus, Illustriss. C. T.
cum florentiss. VVirtembergiæ Propagine tota, quàm diutissimè superstitem, feli-
cem, & nutricium; Scholæ Religionis, Patriæ, mei q;, protegat atq; gubernet. Amen.
Scripsi Tubing. Cal. April. Anni, &c. 93.

DE MELANCHOLIA PROPOSITIONES.

Postpositis alijs, similariter Cerebrum ludentibus passionibus; Melanchymicam, Saturni, à scita antiquitate vocatam filiam, proponemus: eius nomen, generationem, causas, differentias, signa; medicationis intentam, instrumenta, modum; nuda strictaq; positionum serie visuri.

I.

Melancholia voce signamus morbum: delirio mitiori, cum metus & tristitia indiuiduo comitatu iunctum.

2. Taliter generatur. Succus præcipuè niger; non rodens, aut furens; & in Cerebri, & alijs vasorum cavitatibus παρὰ φύσιν quandoq; inficitur: spiritusq; fumosus vel fuliginosus inde suscitatus, exhalans & effumans, spiritus animales ita alterat; ut tum αἰσθητικὰ, tum ἡγεμονικὰ hominis ἐνεργεῖαι immutentur: imaginatiua exterarum specierum simulacra perperam concipiat; aut intus fictis percellatur: Sensus communis, Logisticaq; vis, opinionibus, pauore mæstitiaq; plenis, fluctuet & allucinetur.

3. Sic finimus. Melanchymia est quedam τῶν ἡγεμονικῶν Cerebri ἐνεργειῶν natiuarum, ad vitiatas mutatio; à dyscrasia spiritus Animalis frigida & sicca, citra febrim & furorem, metum ac mærorem, sine causa externa faciente, dependens.

4. Hæc explicatius dispiciamus. Forma huius affectus, est Phantastica & Ratiocinatiua maximè deprauatio.

5. Pro Subiecto, Cerebrum, ut similem portionem, locamus.
6. Efficientis causæ synecticam rationem habet, ἀναλογία Spirituum principum frigida & sicca.
7. Istam intemperantiam recipiunt, à causa, vel In corpore, vel Extra afficiente.
8. Illa, aut Capiti, aut huic Inferioribus partibus, aut Toti corpori insidet.
9. Inferiores præcipuè sunt: Cor, Ventriculus, Intestina, Mesaraeum, Lien, Hypochondria, Hepar, Vterus, &c.
10. Et Capiti, & Inferioribus, & Toti infixæ Intemperaturæ; aut Immaterialis est, aut Materialis.
11. Immaterialis, ex intemperie partium frigida & sicca in primis oritur.
12. Materialis, ex materia melancholice, vasis contenta.
13. In hac & Species, & Vitium examinatur.
14. Specie quadruplex est. Nam vel sanguinis, vel bilis utriusq., vel pituitæ esse progeniem, εὐλογον est.
15. Vitium, est vel Substantiæ: quia corrumpitur. Vel Qualitatis: nam frigidior, siccior, flatulentior, lentior, gignitur. Vel Quantitatis: quoniā abundantior. Vel Motus: quia fuligo sursum tendit. Vel Quietis: nō naturaliter è corpore proreptat.
16. Prædicta cuncta causantia, vel cum Genitoris bonis accipiuntur: vel Matris tristes sunt soboles.
17. Si Patris: similes se magis melancholicè habent. Sin Matris, sanguineæ.
18. Extra, vel quantitatis, aut qualitatis maximè iniuriā afficiunt; primò, Aër frigidus & siccus, crassior, turbulentior, fumosus: interdum etiam ardentior.
19. Cibus & Potus Melanchymicus, facutinus, crassus, terrestris.
20. Emunctoriorum corporis occlusio, hemorrhoidum in viris: in fœmellis, mensium

Qui-

21. *Quies nimia, sedentaria, torpida.*
22. *Vigiliarum studium: Somni excedenter productiores.*
23. *Animi motus meticulosi, tristes: odium, solitudo, ἀπαι-
δεωπία: literarum cultura frequentior.*
24. *Cæli constitutio Saturnina: regio, & alia.*
25. *Differentias, à Forma, & causa Efficiente desumimus.*
26. *Illa, iam perturbatius, iam blandius se habere visitur.
Pro eo enim, ut Animi Spiritus patiuntur: ita discrepanter
etiam Phantasia & Ratio errant.*
27. *Huius verò differentia, ex præmissis satis cognoscuntur.
Sed & alias & latiores adponamus.*
28. *Vel à Totius intemperie nostrū τῷ ὅλῳ oritur: vel Partis.*
29. *A Toto, appellemus Vniuersalem. à Parte, ut Cerebro,
Cerebrosam: Corde, Cordialem: Ventriculo, Ventralem: Splene,
Spleneticam: Hypochondrijs, Hypochondriacam vel Mira-
chiale. Et sic de cæteris.*
30. *Indicia alia Diagnostica sunt: alia Prognostica. alia com-
munia; alia Propria.*
31. *Diagnostica Communia numerantur, æstimatione vel
rectricis & appetitus deprauatio: mæror & pavor; aliàs cum
risu, aliàs luctu, suspirijs: silentium, δυνάμει & μισανθρωπία:
cogitationum inconstantia: in varia animalium genera, testa-
cea, gallos gallinaceos, transformationis opinio: nunc mortis,
nunc vitæ amor, nunc amoris cupido. Alij se mortuos, mentien-
tes, cibum reijciunt. Quidam se Reges, Duces, Poëtas, Demo-
nas, aues, instrumenta artificialia esse putant. Sunt qui ranis
se grauidos nugantur; cælum alij ruiturum timent, &c.*
32. *Quid multis? affectus niger præsens, ἐν γυνώσκῃ est. Vis. n.
animæ Phantastica fracta est: Ratio insana cū metu stultescit.*
33. *Formales differentia & ipsæ, facili sunt dignotionis.*
34. *Sed Efficientis ortum & naturam planius designemus.*

Si

35. Si dyscrasia nuda est; recensitas nugae continuè fundit: abundantia atrabiliaria notae absunt: causae exteriores memoratae non fuere observatae.

36. Si composita cum humore: ex interpolato, multiplici, delirii motu agnoscitur. Pro materia enim conditione, origine, loco, ἀπομοιρωμένη aliorumque mouentium discrepantia; iam intermisit, iam mitius iam inquietius agrum Phantasijs agi cernes.

37. Signa demonstrantia propria, respiciunt vel Totum, vel Partem.

38. Totum affectum esse, arguunt: victus antegressus melancholicus: splen, epas, & stomachus languent: vena lata; sanguis effluens nigrior: corpus hirsutum, pilosum, macrum, durum, nigricans: uteri, haemorrhoidum, marium excrectiones interceptae; & alia.

39. Partem, Cor. Hoc calidius, cerebrum frigidius: frigidius, cerebrum calidius melanchymicè infestat. Sed horum signa, ex arte parua Gal, cognoscenda praetereo.

40. Ventriculum Apostema observatum in ipso, materia melancholica sociatum: dolor illius vehemens. Vehementior tamen cibo ingesto, quam digesto ac expulso, &c.

41. Splenem. Βελρυμία: lateris sinistri tumultuosus rugitus arteriarumque palmus: ipsius intumescencia & flatuositas, &c.

42. Hypochondria, aestus in praecordijs; crudiore solidioréue cibo assumto, maior; sputum humidum & multum; flatus, ructus crebri & acidi: bona concoctione, εὐφώως degunt: praecordia sursum conuellantur, &c.

43. Cerebrum, Signorum, in Totali, Partialique Melancholia scriptorum, ἀσθένεια: contemplatio, Mentisque nugivenda turbatio, eaque ferè non interrupta: in idem intuitu fixa: medi-

camento-

camentorum, capiti ad motorum, effectus laudabilis, &c. Idem
de alijs partibus, signa nactis propria, iudicium esto.

44. Porro, Speciei, humoris melancholizantis, notiones ponamus.

45. Si sanguinea Melancholia est; mitiora huius accidentia sunt, atq; cum risu placide desipiunt, &c.

46. Si biliosa: mores Maniacis confines ferè; iram, bella agitant. Et hanc malum quendam genium inducere, astantes, ut plurimum, existimant.

47. Si pituitosa; animi affectus torpidi, voracitas, calor remissus, inertia, somnolentia, phlegmatica vomitio, &c. vel assunt, vel præsuere.

48. Sed Prasagitationes ac Prognostica erigamus. Desipientis am omnem, propter Essentia sc, magnitudinem, Dignitatisq; vehementiam, periculosam proclamavit Senex.

49. Ast, de præposito Morbo metus, differentiarum eius variarum consideratione, maior impendet. Duarum namq; operationū summarum noxâ, peius malū æstimatur: quàm unius.

50. Prasentiùs, intemperies melancholica, colluie & fomento humorum stabilita, lædit; quàm solitariè consistens.

51. Sed tamen, quælibet habitualis, capitalior est, scheticâ: protopathetica, grauior est sympatheticâ: hæreditaria, adquisiticiâ: à Cordis malitia excitata, insignior est: quàm, quam aliarum partium ἀπορία & consensus peperit.

52. Speciei humoris prognōses sunt. Sanguinea Melancholia, omnium est tutissima. Quia cum risu. Biliosa, periculosior. Quia feruentior. At breuior. Pituitosa, & Melanchymica, blandiores; sed constantiores, & longiores.

53. Vitij. Succij, quò corruptiores, frigidiores, sicciores, crassiores; ad superiora concitatiores: stabiliores: nobilius salutis discrimen curamq; infeliciorem minantur.

54. Balbi, oculos, linguasq; mobiliter & precipitanter volu-
uentes; facie obscure rubidi; pilosi, præcipue pectore; labijs cras-
siusculis, in Melancholiam proclives sunt.
55. Timor, & mæstitia, diutius animum occupantia, dictū
Morbum portendunt.
56. Iuvenes, viri, senes, magis Melancholia tentantur.
57. In mulierib. crebrior, & deterior est.
58. Longius vicens, vel Apoplexia, vel Epilepsia, vel Fu-
roris, vel Convulsionis, vel Ocularium agitudinum nuncia
est.
59. Inueterata, curationem difficilissimam, vel nullam: noua
facilem concedit.
60. Quando multorum ciborum est appetentia tantum,
malum.
61. Ulcerib. Melancholicis, cum duobusq; symptomaticè pro-
rumpentibus, mors instat.
62. Cholera nigra, in Ventriculi, alui, vesicæ, eiusq; in cuta-
neis partibus, post statum, colore comparente, bonum.
63. Scirrhum Lienis tumorem, vix ullus, melancholicè
desipientium, euadit, &c.
64. Mæstum hoc ὁδὸς quid moneat, videamus. Quid
Forma? Nil utile. A spiritus enim intemperatura ita hæret;
ut hac remota: illa sponte euanescat.
65. Quid subiectum? Sui custodiam, similium apparatus, po-
stulat.
66. Quid Efficiens? Tali spiritum temperie temperandum:
quò spectrum, melancholico aduersum, ab externo αἰσθητῶ, vel
interno conceptu, Phantasia sapienter insigi possit.
67. Verum, delirio symptomatico, quod antenus sic sopito,
Morbus ipse, ne utquam deuictus iacet. Sed radix stirpsq; ma-
li, radicitus si possibile, extra corpus eliminanda venit.

Iccirco

68. *Iccircō, acrasiam nudam; vel Totius, vel Partis; cal. & hum. depellimus. Materialem, salubria & Speciei, et comitum Vitiorum ratione, indigitantem præsidia, curamus.*

69. *Speciei. Sanguis V.S. bilis duplex, cum pituita, suis medelis contemperatur, & ad exitum informatur.*

70. *Vitiorum. Corruptio: eradicationem hortatur. Qualitas; cal. & humectationem, cum incidentib; substituendam. Quantitas; tantum detrahendum; quantum morbus, & ager facile ferunt. Motus; retrahendum. Quies; dyscrasiam, vel materiam melancholicam mouendam.*

71. *CVRATIO, tripartito medicandi genere completur: Dietetico, Pharmaceutico, & Chæurgico.*

72. *Nota. Medic. neq; solus, neq; incautus, Melancholicos adeat*

73. *Quin, adeo Mens horum quandoq; curarum imaginibus stimulatur: ut criminis notorii sese auctores esse; DEI, hominumq; bonitate excidisse, vel aliud opinantes: vel fugiant, vitamq; inuisam, ferro, aquis, casu, aut alio necis flagitio, anxie abrumpere querant: itaq; cautè asseruandi; omnes mortis machinas amouentes.*

74. *Aër caleat, & humeat temperatè: clarus sit & mundus. Arte talis haurietur; aqua, cui rose, viola, althæa, cum ambrâ, moscho, caryophyllis incocta sit, iuxta egrotum euaporante, aut sparsim diffusâ per solum. Odorifera, poma fragrantia, ros, santal. ambr. laudantur.*

75. *Esculenta, Poculentaq; vel sola Melanchol. leuem expugnant. Illa sint, εὐχύμα, πολύβοφα; non καρυσσάκη, aut κακόςμαχα: non salsiora, acria, acetosa nimium; non suffocata, suffumigata, vrentius assata, frixa, pinguiora, foetida, adstringentia, flatuosa, &c.*

76. *Huius penuarij sunt. Acetaria, ex flor. sambuc. preparata: panis succulentius coctus: iuscula gallinar. capon. in quib.*

borrag. bugl. lactuc. spinach. cocta sunt. Carnes Phasian. perdic. sturn. merul. porcellor. hedina iunior, vitul. agni anniculi; oua sorbil. carpiones, lupi, trutæ, pisciculi saxat: vna, vna pass. poma d. vel subacida saccharata, prima, & vltima mensa sumta. Post cibum, aqua parum, aq. bugl. commixta, superbibere: anis. aromat. ros. G. Diagalang. deuorare, præsertim in cruda & Mirachiali Melanch. conuenit.

77. Culina careat, brassica, carne, bouina, vaccina, ceruina, leporina, hircina, taurina, aprugna: item, caseo, paneg, rancidis; caulib. pisis, lentib. maximè, sorbis, fungis, tuberib. mespillis, oryza, fabis, pyris, cotoneis, limacib. &c.

78. Potus, sit vinum ὀλιγοφόρον & ἀδυνάμορον; vel aquis melancholicis dilutum: non nigrum, terrenum, crassum, forte. Vel, cum aqua, ex hord. lupul. bugl. malu. galang. cinnam: adfusus, aq. card. bened. lil. conual. potio coquatur. ius galli anniculi, aliquod tempus bibitum, mirè omni Melanchol. commendatur. Sed huius artificium alibi docetur.

79. Somnus, quædam phantasmatum requies, vigilantia sicca sit acceptior. Sin turbida & γερυσία molestat; redolentia flor. viol. ros. nymph. soluatur. vel, ex dictis, cum malu. alth. papau. alb. alijsq, decoctura fiat, capiti admouenda, vel irroranda. aut caput, tempora singulariter, & nares, lacte muliebri, ol. ros. cum tantillo opij, croc. & myrrh. rectificati illitu, foueantur. Item, vng. alabast. vel ex nota & conducibili materia, cataplasma conformetur.

80. Intrinsecus, pulu. Diamagarit f. cum sach ros. viol. bugl. Cibaria papauere conspersa; Diacod. Philon. cum aq. vel ptissane suc. prosunt. Et quædam stomachica auxilia. Cum calidior, vel frigidior ventriculus, idem accidens caussari queat. Sed in somniferis modus esto.

81. *Cum plurimi Melancholicorum, aluo duriore grauentur: ideò clysmatis sæpè cienda, ope, radic. & folior. malubismal. bugl. borrag. thym. epithym. fumar mercurial. senæ; seminib. anis. cuscut. lini, fœnic; passul. prun. fic. flor. chamomil. &c: conuenienterq; iniectis.*

82. *Hæmorrhoidalis fluxus, vel varices, hunc sæpè soluunt morbum. quare Naturæ Minister, illas occlusas referet: has non temerè absecet: muliebres insuper Menses promoueat, &c.*

83. *Venus sit parcissima: vel nulla. Sudor largus vitetur.*

84. *Labores nec nulli sint; nec contentiosiores. Exercitiamoderata, post spontaneam, vel artificiosam ventris turbationem, per amœna viretaq; loca fiant. Pedum, manuumq; leues frictiones, atq; ex decoctione utilium lotiones, non nihil hîc possunt.*

85. *Imò, hoc opus, hic labor est: Spiritus, pauore, luctu, solitudine, tristitiâ, alijsq; pathematis consternatos, sanare.*

86. *Absint ergo à Melancholicorum consortio, meticulosi, tristes, tricones: admittantur, sereni, alacres, iucundi, decori varijsq; leporis amici. Hi, pusillos animos, confidentes securosq; reddant: mæstos, exhilarent: timidis, animum addant: luctuosos, commodis rerum verborumq; delicijs demulceant. Audiantur dulcisoni concentus Musici viuidusq; chordarum subsultus. Libri, si Musas coluere seueriores ardentioresq;, illis surripiantur.*

87. *Si talibus incassum laboremus: huiusmodi tetra Saturnia proles, blanditijs mutatis, verbis asperius impetenda: minis, flagra aliquando commiscendo.*

88. *Pharmacia, Vacuando, & Alterando absoluitur.*

89. *Purgantia, initiò clementiora, post valentiora suadenda.*

90. Si Melanchymicus medicamentum auerfetur; fallendus; suavia illi miscendo.
91. Forma liquida solidiori præfertur. Cum humectationis, heic cura acris esse debeat. Quamuis, pillularis capiti magis accommodata est.
92. Enematum infusio, vacuationis, & auersionis gratia, præcat, ac frequentetur.
93. Si flauam bilem peccare artificiosè coniecimus; competunt, Myrobal. flauæ, rhabarb. cass. elect. d. suc. ros. Catapotia, aur. sine quib. aggreg. d. aloë.
94. Si pituitam. Hier. picr. G. Diacathol. Diaphæn. Elect. Ind. M. Diacnic. benedict. laxat. Turbet. colocynth. Pill. assaier. alephang. d. agar. stomach. mastich. Hier. cum agar. cocch. fœtid.
95. Si bilem atram. Trypher. Persic. Sena, Diasen. lenit. cathol. conf. Hamech, alcherm. Elect. d. Epith. Hier. Ruf. Helleb. extract. quantit. scrup. j. aut drach. s. exhibitum: Hier. Logad. Pill. Ind. d. fum. ter. d. lapid. Lazul. Armen.
96. Memorata, cum sero lact. capr. vel decoct. ex Cichor. (colopend. thym. viol. bugl. epith: semin. cichor. cnic. anis. fœnic. radic polypod. Cappar: uuis pass. prun. Damas. alijsq. s. a. parato propinantur.
97. Accepta purgatione, præsertim solida, cremorem hordei, vel aq. decoctionis absinth. superingerere placet.
98. Vomitum, primogenia Cerebri Melanchol. non approbo. Sunt, qui ventrali, vel huic adiectis partibus melancholia, vomitum summopere suadent. Ac veratrum, antiquam sæpe mirachiam, vomitu persanare perhibent. Sed, illud in substantia assumere, culpatur.
99. Ptarmica, gargarismata, apophlegmatismi, & alia,
pro

pro vario scopo medentis, non sine fructu quoque admini-
strari possunt.

100. Alterantia, vel Contentis, vel Continentibus com-
petunt.

101. Illa, sunt humores corporis qualescunque, deprauati,
præparatione & coctione idonea alterandi. Serapijs, acetos.
d. stach. oxymel. squillit. viol. d. endiu d. suc. ros. d. Cichor.
lupul. fum. ter. buglos. thym. epith. Pomis, scolopendr. cala-
menth. Bizanth. cum aquis vel decoct. fœnic. apij, absinth.
salu. viol. endiu. portul. acetos. meliss lupul. borrag. bugl. sca-
bios. flor. sambuci. oxymel. helleborat. etiam non negligas,
&c.

102. Continens, aut Totum est, aut Pars.

103. Totum, balneum aquæ dulcis : vel ex borrag. bugl.
malu. flor. chamomil. hordeo facti, iugiter, corpore, ven-
triculo, primisq; venis, cruditate succorum vacuis, iuuat.
Lotus ager, ol. amygd. d. & ol. Chamamel. corpus circum-
linat.

104. Pars, vel Internis, vel Externis corrigitur & robo-
ratur.

105. Intus sumuntur. Conseru. bugl. borrag. viol. melis-
soph. ros. lupul. cort. citr. tamarisci, (maximè Satyrionis)
anth. stach. nenuph. Electar. Diamargarit. f. cal. dianth:
Theriac. Mithridat. cum Melancholia dicatis aquis, &c.

106. Ex præscriptis, & huiusmodi multigenis, cum Syrup.
d. pomp. ros. artemis. opiate fingi: aut rotule, saccharo, aqua
bugl. soluto, fundi possunt, & alia.

107. Extus apparantur. Capiti, embrocha, ex melis. be-
ton. flor. chamem. flor. sambuc. ros. anth. summit. epith. sena,
conficiuntur. Oxysrhodina, in omni Melanchol. plurimum
præstant. Fiunt ex ol. ros. aq. myrtil. acet. quib. sinciput il-
linatur.

linatur. Caueantur sicciora : ne stultum, in insanum trans-
formemus stultè.

108. Mitellam, ex melancholica materia concinnatam, ge-
stare, proficuum est.

109. Cor, ob eximiam eius cum Cerebro συνάδην, curio-
sè curandum. Epithema, ipsi ex aq. bugl. ros. endiu. san-
tal. alb. & rub. coral. croco, caphur. caryoph. mace, seri-
co inclusis, adplicetur. Vel sacculus, ex flor. cord. nenuph. fol.
melis. santal. omn. lign. al. caryophyl. diamarg. cal. &
f. cortic. citr. singulis contusis, consuitur, aquisq; ros. melis.
rigatus, admouetur, &c.

110. Ventriculo, suis medicinis prospicitur. Vel inungitur ol.
d. absinth. nard. cera : addito interdum, vino odorifero, al-
bicante, vel acerbo.

111. Hypochondria, unguento ex ol. in quo rut. aneth. ab-
sinth. serpyll. bac. laur. fuerint cocta, alterantur. Fomentum,
ex cumin. puleg. anis. rad. cap. enul. Camp. irid. chamomil.
melilot. paratur, cum aq. & vino albo.

112. Ita, aliæ corporis partes, per συνάδην Melanchol.
producentes, peculiarib. suis iuuamentis, alicubi expressis,
muniendæ sunt.

113. In hoc morbo, vena latiusculè aperiendæ, sanguine illi-
us primaria causa subsistente : vel in progressu, residuam cu-
rationem infelicitate potente.

114. Quando illum ipsum, veram causam esse ambigas ;
parcè & prudenter fluere sinas. Vel si scias : ita demas : ut re-
liquorum humorum quis noxius, habenis sanguinis non sol-
uatur, liberiusq; ferociat.

115. Viribus constantibus : simul & semel sanguinis tolla-
tur noxa. Sin illæ id negent, epicriticè, vel epaphoreticè erit
procedendum.

Sanguine

116. Sanguine in toto corpore turgente: media, vel basili-
ca primū, & (capite vnâ illo referto,) post Cephalica feriatur.
117. Si inferiora sanguine sint turgida, caputq; afficiant;
crurum vena incidantur.
118. Si Mensium suppressio, Melancholiam fouet; malleoli
vena tundatur. perseuerante malo, etiam frontis: Cerebro
sc: pleniore.
119. Phlebotomia, totali Melanch. conducibilior est: quàm
alijs partibus; præsertim Cerebro.
120. Cucurbitulas in Hippochondriaca, sine scarificat. affi-
gunt. Nos in scapulis, ceruice, natibus, brachijs, legitima oc-
casione, cum sacrificatu admittere possumus.
121. Hirundinib. etiam, sanguifluas in ano venas recludi-
mus. Cauteria etiam & sinapismi, capitis coronali suturae,
brachijs, crurib. non inutiliter inuruntur.
122. Tandem. Si Melancholia conseruit; vel ob heredita-
tem inexpugnabilis est: solennem V. S. purgationemq; subeat
ager: victu balneisq; non neglectis. Singulorum Mensium,
singulis quindecim diebus continuis, pulueris seq. drach. vn.
sem. in iusculo pulli, aut sero caprino assumere iuuat. R. My-
robal. Ind. Cheb an. drach. ij. zingib. alb. drach. sem. epith.
melis. thym. helleb. nig. præp. sampsuch. cardam. coriand.
præp. sing. scrup. ij. F. s. a. Puluis.
123. Quæ de Dieta, Pharmacia, & Cheirurgia pronuncia-
uimus; pro cæli, regionis, causse, loci, ægrotantis tempera-
menti, habitus, studiij, aliorumq; coindicantium, & contra
indicantium, constitutione ac varietate: sollertis Medici in-
tento ac industriâ, mutantur. Nob. generalius magis, de af-
fectione Melancholica, differere placuit.

PRONVNCIATA PRO.
BLEMATICA.

MEDICOTHEOLOGICA.

Dæmonium potest facere Melancholicum.

Melancholici Dæmoniaci, non tam Pharmacorum, quam
precum, vsu sanantur.

Melanch. necis propriæ auctores, non omnes Orci rei.

Mulierculæ Melanch. maximæ fiunt Sagæ.

PHYSICA.

Color, succi melancholescentis, non caussatur Melancholiam.

Cor non est *πρῶτον δεκτικόν* Melanch.

Ex timore canicies oritur.

Melancholici Memorix debilitate laborant.

Melancholici sani, sunt ingeniosi.

Hyeme minus, reliquis anni partib. magis Melanch. florent.

Spiritus non sunt animati.

ANATOMICA.

Propter venosum genus vitiatum, non splenis tractus, aut
expulsionis languorem, Melancholia magis nascitur.

AETIOLOGICVM.

Constitutio frigida & sicca partium, non necessariò humores
conformes fouet.

Melancholia, & morbi, & causæ rationem habet.

Possibile est: (contra Auicennam) Melancholiam, absq; læ-
sione Cordis prouenire.

Intemperies cal. & frigida, etiam à calore oritur.

Mirachiale pathema, non ab inflammatione Pylori pendet.

Secus ac Diocles, & Gal. sensere.

PATHOLOGICA.

Pueri, licet meticulosi, rarò tamen Melanchol. corripiuntur.

Lupina, vel (vt Magnus Auic. vocat) Dæmonium Lupinum,
& Canina affectio; non eadem cum Melancholica.

Melancholia, quatenus morbus, non est cum febre.

CURATIVVM DIÆTETICVM.

Vinum, in Melanch. tutò exhibere licet.

PHARMACEVTICA.

Cassia, & Myrobal. in Hypochondriaca, reprobantur.

Veratrum, non cum Myrobal. misceatur.

Vnius medicamenti, plures sæpe sunt bases.

CHEIRVURGICA.

Melancholico, sanguis flauus, tenuis & rubicundus effluens,
non statim est sistendus.

In Mirachiali caussa, humor non extra venas, Musculis impa-
ctus est: ideoq; nec cucurbitulis is eliciendus.

SATVRNVS.

*Quos hac vides trans septa, Lector, atrarum
Greges ferarum, luridosq; bufones,
Et cerberos, & si quid vsque fædarum
Gemit volucrum, Cimmeri incolas antri,
Et fabulosi antiqua sæcla Nasonis,
Homines colubros, dira monstra Natura,
Et pabulum, Gemitus, & impium potum.
Acheronte promptas viscido nigras undas:
Hoc omne ego cum infantulo recens nato
Congressus & genui & subinde propugno.*

Hinc scito vestibuli mihi datam curam.

*Quicumq; quantuscunq; Pharmaceutarum
Me nescio speras vel igneo è corde,
An fractuoso vel cerebro abacturum
Pecudes meas virtute Thessali succi:
Hoc ausum ego malè hac falce criminis noti
Multabo, perpetimq; faxo, sis mæstus.*

M. Iohan. Kepler VVilanus
Th. Studiosus.

F I N I S.

